

Crimen Fori Ecclesiastici

Seu Decretalium Gregorii IX. Pont. Max. Liber V ; Brevi Methodo ad dissentium utilitatem Expositus, In quo praecipuae circa Materiam hujus Libri Quinti, quae tum in Theoria, tum in praxi occurunt, difficultates solvuntur, allatis etiam contrà sentientium fundamentis, & horum solutionibus

Accedunt tres Indices, unus Titulorum initio Operis, duo rerum, & verborum notabilium in calce ejusdem, prior quidem super Tomum præsentem, alter compendiosus super Universum Jus Canonicum

Schmalzgrueber, Franz

Ingolstadii, 1727

VD18 13510827-001

§. IV. De Suspensione.

[urn:nbn:de:hbz:466:1-75255](#)

absolutus sic fuit ob impedimentum perpetuum, cum ad impossibile nulla sit obligatio. Difficultas igitur tantum est circa eos, qui laborant impedimento non perpetuo: & rationem dubitandi facit, quod juxta dicta n. 254. isti promittere jurato debeat, se, cessante impedimento, accessuros Sedem Apostolicam. Verum istud intelligi debet casu, quo absolutio sit à non habente potestatem: unde cum juxta dicta n. present. Mendicantes, & juxta dicta n. 248. Episcopi ab omnibus ferè casibus, & censuris occulis, & ad forum contentiosum non deductis possint absolvire, ab his absolti ulterius ad Sedem Apostolicam remitti non debet, sed ab iis, antequam absolvantur, tantum peti, ut satisfaciant Clerico injuriam passo.

Paret igitur, defacto post Trid. onus praesentiandi le Sedi Apostolicae imponi tan-

tum debere illi, qui absolvitur ab alio, quām qui privilegium sic absolvendi habet, vel cum quidem absolvitur ab Episcopo, sed postquam censura non amplius occulta, sed ad forum contentiosum deducta est; tunc enim, si ob impedimentum occurringens absolvatur ab Episcopo, impedimento cestante, adire Sedem Apostolicam debet. Addit. S. yr. l. 3. Thesaur. c. 22. n. 38. ex Navarro, justum impedimentum habere, qui ire non potest pro absolutione, et si mittere pro ea possit; quia Ius eum ad hoc non videtur obstringere, sed solum vult, ut, si possit, vadat. Si quis adire Pontificem nequit, potest autem adire ejus Legatum, vel alium habentem facultatem absolvendi ab ejusmodi Excommunicatione reservata, debet hoc adire.

S. IV.

De Suspensione.

S U M M A R I U M.

- 263. Suspensionis D. finito.
- 264. 265. Differencia ab aliis Censuris.
- 266. &c. Varietas.
- 270. &c. Quis possit suspendere?
- 273. &c. In quem ferri Suspensionis Censura possit?
- 277. &c. Quām Clerici suspendi possint?
- 282. &c. Qūd quām causam suspendi aliquis possit?
- 285. &c. An etiam ob culpam alienam?
- 288. &c. Forma servanda in ferenda Suspensiōne.
- 290. &c. Effectus Suspensionis ab Officio.
- 299. &c. Effectus Suspensionis a Beneficio.
- 306. Quod peccatum committat Violans Suspensionem?
- 307. &c. Et quām pœnam incurrat?
- 310. &c. Quomodo tolli Suspensione possit?
- 320. &c. Quæ sit forma ab ea absolvendi?

Quæritur 1. quid sit Suspensione, quotuplex, & quæ eius cauæ? ^{2.} S. Suspensione, prout hic sumitur, est Censura Ecclesiastica, qua Minister Ecclesie formaliter impeditur, ne functiones Ecclesiasticas exerceat, aliquaque potestate utatur. Ita Navarr. Max. c. 27. n. 151. Suar. de Censur. D. 25. scđ. 1. n. 2. Sayr. l. 4. Thesaur. c. 1. n. 13. Avil. de Censur. p. 30. D. 1. dub. 1. Coninck D. 15. dub. 1. Bonac. tr. 1. D. 3. de Suspensiō. p. 1. n. 2. Laym. l. 1. tr. 5. p. 3. c. 1. n. 1. Hurtad. de Suspensiō. d. 1. Palao tr. 29. D. 4. p. 1. n. 1. Vallent. hic §. 8. n. 2. Piring n. 197. Wieltn. n. 98. Reifstuel n. 159. la Croix tom. 8. l. 7. n. 395. Magnif. P. Schmier p. 1. de Delictis c. 3. n. 234.

***64** Dub. 1. quomodo Suspensione differat ab aliis censuris, tempe Excommunicatione, & Interdicto? ^{2.} differre in modo, quo privat functionibus Ecclesiasticis. Et ab Excommunicatione quidem differt, quia hæc privat functionibus Ecclesiasticis, quatenus hæc sunt quædam cum si-
B. P. Schmialz grueber L. V. T. II.

Gg

quæda

delibus communicationes, à qua communicatione exclusus est Excommunicatus. Suspensione vero his functionibus privat, quatenus sunt usus alienus potestatis Ecclesiasticae provenientis ab Officio, vel Beneficio: deinde prior ad personas Laicas etiam se extendit; posterior solum ad Clericos. Palao l. cit. Magnif. P. Schmier n. 286. Ab Interdicto differt imprimis, quia ^{2.} Interdictum privat receptione aliquorum Sacramentorum, Ecclesiastica Sepulturæ, & Officiis Divinis, quibus suspensus non est privatus: deinde Interdictum affectit quamlibet personam fidem; Suspensione vero personam Ecclesiasticam, quippe cum soli Clerici capaces sint Officii, & Beneficii Ecclesiastici. Suar. scđ. 1. cit. n. 2. Palao n. 1. cit. Piring n. 197. Wieltn. n. 99. §. 100. Unde cum Abbatissa suspenduntur ab Officio, non est Suspensione propriæ dictæ, cum Jurisdictionem Ecclesiasticam nullam habeant; alias si propriæ suspendentur, incurriten Irregularitatem per hoc,

quod violarent hujusmodi Suspensionem. Valens. tom. 4. D. 7. q. 18. p. 1. concl. 1. Sayr. c. 1. cit. n. 16. Coninck dub. 1. n. 2. & dub. 3. n. 18. & 21. Palao n. 2. Pirh. n. 206. Wiestn. n. 100.

266 Dub. 2. quotplex sit Suspensiō? s. esse triplicem, quarum prima est à solo Officio, quā Minister Ecclesiae removetur ab exercitio Jurisdictionis, vel Ordinis: altera à solo Beneficio, quā Clericus, intacta Ordinis, & Jurisdictionis potestate, jure percipiendi fructus privatur. Tertia ab officio simul, & Beneficio, quā personae Ecclesiasticae adimitur exercitium potestatis Ordinis, & Jurisdictionis, & perceptio fructuum Beneficialium. Si Suspensiō sit absolute lata, ita, ut ex contextu colligi nequeat, an Suspensiō sit ab Officio tantum, an tantum à Beneficio, intelligitur lata tam à Beneficio, quam ab Officio. Henrīq. l. 13. c. 33. Tolet. l. 1. c. 43. n. 7. Suar. D. 25. sed. 2. n. 9. Avil. p. 3. D. 2. dub. 1. concl. 2. Coninck dub. 1. cit. n. 4. Laym. c. 1. cit. n. 2. Palao p. 1. n. 3. Wieltn. n. 107.

267 Dividitur 2. in Totalem, & Partialem. Et quidem Totalis iterum duplex est, scilicet Totalis simplexiter, quæ est simul ab Officio, & Beneficio; de qua dictum est n. prec. Et Totalis secundum quid, nimur ab Officio tantum, vel tantum à Beneficio. Suspensiō totalis ab Officio. dicitur, per quam aliquis ab omni Officio Spirituali tum Ordinis, tum Jurisdictionis, & administrationis Ecclesiasticae removetur. Totalis à Beneficio, per quam aliquis suspenditur ab omni Beneficio Ecclesiastico quoad eius administrationem, & fructuum perceptionem. Pirh. n. 198.

268 Partialis Suspensiō fit, vel à certo tantum Officio, aut parte illius. v. g. ab Ordine tantum, per quam prohibetur omne exercitium Ordinis, vel à certo Ordine, per quam prohibetur exercitium Ordinis illius v. g. Sacerdotalis, vel à certa functione, five actu Ordinis v. g. ab audiendis Confessionibus, vel celebrazione Missarum. Item quando aliquis suspenditur à Jurisdictione tantum, ita, ut vel nullum Jurisdictionis actum exercere suspensus possit, vel certum tantum aliquem actum Jurisdictionis, vel quasi Jurisdictionis, ita quando suspenditur quis à collatione Beneficii, aut voce Suffragii in Electione. Et denique quando fit Suspensiō à Beneficio non omni, quod habet Suspensus, sed certo tantum, vel aliqua parte Beneficii v. g. dimidia parte fructuum, aut distributionibus quotidianis. Pirhing n. 199.

269 3. Alia est absoluta, quæ fertur absque ulla temporis determinatione; alia Determinata, quæ lata est pro determinato tempore: sed hæc posterior propriè Cen-

sura non est, sed potius delicti peccata: & ideo elapsi termino, pro quo imposita est, cessat absque alia absolutione. 4. Alia est à Jure, alia ab homine.

Dub. 3. quis possit suspendere? 270
n. Suspensiōnem à Jure latam solus Conditor Juris fert. Suspensiōnem vero ab homine is, qui potestatem habet excommunicandi, ferre plerumque potest. Sylv. V. Suspensiō 1. n. 2. Navar. c. 27. n. 159. Sayr. l. 4. Thesaur. c. 2. n. 1. Suar. D. 28. sed. 1. n. 2. Tolet. l. 1. c. 13. Henrīq. l. 13. c. 35. n. 1. Laym. p. 3. cit. c. 2. n. 1. Palao D. 4. p. 2. n. 1. Vallenf. bīc §. 9. n. 1. Pirhing n. 205. la Croix tom. 8. l. 7. n. 395. Nulla tamen est repugnantia, quin sola potestas excommunicandi, & vicissim alicui conferatur, cum sint Censuræ diversæ. Suar. Palao l. cit.

Olim Episcopus sine Capituli eon²⁷¹ sensu non poterat censuram ferre, in Presbyteros præsertim c. pervenit 1. de Excess. Prælat. putantque non pauci, Jure antiquiore can. Episcopus 6. cau. 15. q. 7. sententiam Sulpenonis, aliter latam non tantum illicitam, sed etiam invalidam fuisse. Sed tū bene notat Palao l. cit. n. 2. textus can. cit. vim Juris communis nunquam obtinuit; qui desumptus fuit ex Conc. Carthag. 4, quod Provinciale solum fuit, & nunquam receptum ab Ecclesia. Dispositio autem c. pervenit cit. consuetudine abrogata est; videamus enim paßim Episcopos, non requisito consensu Capituli, pœnam Suspensionis ferre in Clericos.

Controversia moveri potest, an nullus alijs ferre sententiam Suspensionis possit, nisi Clericus? Sylv. V. Abbatiss. & V. Suspensiō n. 1. cum quibusdara abhī censem, Abbatissam posse suspendere Clericos Ecclesiasticos sibi subditarum arg. c. dilecta 12. de Major. Sed standum est pro communi, quæ negat Suspensionem ab alio, quam Clerico fieri posse. Ita Gloss. in c. dilecta cit. V. Jurisdictionem, Innoc. & Abb. ibid. Vivald. de Suspensiō. n. 15. Sayr. l. 4. Thesaur. c. 2. n. 9. Palao p. 2. cit. n. 3. Engl. bīc n. 15. Ratio est, quia est actus Jurisdictionis Ecclesiastice, quæ solum Clericis potest competere. Ad Rationem dubitandi Suspensioni lata ab Abbatisse in c. dilecta est, non sicut propriè Suspensionis, sed prohibitio, prout colligetur ex textu cit. ubi Pontifex Episcopo, cui rescriptit, non præcipit, ut Suspensionem Abbatisse latam servare faciat, sed ut per censuram compellat subditos Abbatisse præceptis obediens. Igitur signum est, Suspensionem ab Abbatisse latam prohibitionis duntaxat, non vero censura habuisse rationem.

Dub. 4. in quem ferri Suspensionis? 273
censura possit? Ratio dubitandi est, quia Su-

Suspensio ab Officio non solum privat Exercitio Ordinis jam obtenti, sed etiam obtinendi: & idem est de Suspensione à Beneficio, cuius effectus est, ut ita suspensus non solum privetur fructibus Beneficii, à quo suspensus est, & quod actu obtinet, sed etiam, durante hac Suspensione, incapax est ad quocunque Beneficium aliud obtinendum, fructusque ex illo percipiens, ergo quoad affectum, scilicet Beneficii consecutionem, & Ordinis receptionem poterit Laicus suspendi, siquidem priuari potest, ne Beneficium consequatur, neve Ordinem recipiat. *Conf.* quia *Exir.* un. int. comm. de *Censib.* & alibi suspenduntur Laici à communione Eucharistia.

²⁷⁴ Sed verior est affirmativa sententia, scilicet Suspensionem propriè dictam non posse cadere, nisi in Clericos. Ita *Gloss.* in c. quicunque 11. *V. ministros b. tit. in 6.* Innot. in c. fin. de *Excess. Prælat.* Abb. in c. dura 4. n. 10. de crim. fals. *Navar. Man. c. 27. n. 150.* & seqq. *Suar. D. 28. sed. 2. n. 1.* *Avil. p. 3. D. 4. dub. 2. concl. 1.* *Laym. l. 1. t. 5. p. 5. c. 2. n. 2.* *Palao tr. 29. D. 4. p. 2. n. 4.* *Pirh. hic n. 197. & n. 206.* *König n. 36.* *Reiffenstuel n. 163.* *la Croix tom. 8. l. 7. n. 395.* *Magnif. P. Schmier p. 1. de Delib. n. 235.* Ratio est, quia Suspensione necessariò versari debet circa Officium, & Beneficium Ecclesiasticum, cujus incapaces sunt Laici.

²⁷⁵ Excepunt aliqui Abbatissas, & alias hujusmodi Superiores Monialium, quas cum Tann. tom. 4. D. 6. q. 10. dub. 7. n. 140. Laym. n. 2. cit. Pirhing n. 206. putant, probabile esse suspensionem quandam posse incurtere; quia sunt personæ Ecclesiasticae, & capaces Spiritualis Officii, ac Jurisdictionis cuiusdam Spiritualis, saltem ex commissione. Sed ut bene advertit Reiffenstuel hic n. 164. hæc potius est Suspensione ab Officio sue Oeconomie, ejusque actibus, quam ab actibus Ecclesiasticis, ratione Ordinis Clericalis cuiusdam competentibus, utpote cum femina sit incapax omnis tum Ordinis Clericalis, tum veræ Jurisdictionis Ecclesiasticae.

²⁷⁶ Ad Rationem dubitandi dico, Suspensionem non per se, sed consecutivè solum privat Ordine, vel Beneficio acquirendo; ex eo enim, quod suspensus privetur usu Ordinis habiti, sequitur privat facultatis in ulteriore Ordinem ascendendi. Deinde Suspensione dicit in Suspensionem capacitem Ordinis, aut Beneficii, à quo, vel a cuius consecutione suspenderetur. atqui Laicus, & qui primam Tonfuram non habet, Ordinis, & Beneficii Ecclesiastici capax non est, ergo &c. Ad Conf. non fertur ibi Suspensione propria, sed Suspensione ibi lata est quedam

R. P. Schmalzgrueber L. V. T. II.

pars Excommunicationis majoris, quæ privat usum Sacramentorum.

Dub. 5. quinam Clerici affici Su-²⁷⁷ spensionis censurā possint? 1. quilibet, quacunque Dignitate fulgeat, suspendi potest, excepto Summo Pont. Adcōque feriri censurā hac possunt 1. Episcopi: Sed hi quando Decretum Suspensionis est universale, illo non comprehenduntur, nisi de ipsis fiat expressa mentio c. quia periculorum 4. b. tit. in 6. & idem caveretur de Interdicto. Porro privilegio isto probabilitas gaudent etiam Episcopi solum confirmati, non consecrati. *Suar. D. 28. sed. 1. n. 7.* *Laym. c. 2. cit. n. 2.* *Palao p. 2. n. 5.* quia Episcopali Dignitate jam sunt prædicti, quæ principia causa fuit privilegium istud concedendi Episcopis:

2. Feriri censurā hac possunt Religio-²⁷⁸ si, si Clerici sint, & primam saltem Tonfuram habeant; nam si istam non habent, licet aliquo modo personæ Ecclesiasticae nuncupentur, quia tamen Clerici verè non sunt, hujus censuræ capaces non sunt. Porro Suspensione, generaliter lata in Clericos, etiam Clericos Religiosos afficit; quia nomen Clerici indifferens est ad Sæculares, & Religiosos *Suar. D. 28. cit. sed. 2. n. 9.* *Palao n. 6.*

3. Suspendi potest communitas Cle-²⁷⁹ ricalis: & hoc verum est, sive spectetur, ut est talis communitas, sive quadam personas singulares. *Suar. l. cit. sed. 3. n. 1.* *Palao n. 7.* *Pirhing n. 206.* *König n. 36.* *Reiffenstuel n. 165.* extantque plures ejusmodi Suspensiones in Jure.

4. Semel suspensus iterum potest:²⁸⁰ suspendi, non solum, quando Suspensiones sunt diverse, sed etiam quando sunt eiusdem rationis, si multiplicentur causæ, & tiruli, sicut de Excommunicatione dictum est. *Palao n. 8.*

5. Mortuus tamen hujus censuræ est:²⁸¹ incapax, sicut etiam Excommunicationis: priuari tamen potest fructibus Beneficii, quibus post mortem frui deberet, ob Suspensionem in vita contractam, quod non est Suspensionem, sed hujus effectum extendit in mortuos. *Palao n. 9.*

Dub. 6. ob quam causam Suspensione²⁸² in aliquem ferri possit? Cajet. in *Summ. V. Suspensio.* *Armill. ibid. pr. Navar. Man. c. 27. n. 151.* *Henrig. l. 13. c. 34. n. 1.* & alii quidam putant, sufficere culpam veniale; quia hæc sufficit ad Excommunicationem minorem, quæ, cum priuaret majoribus bonis, nempe usu, & receptione Sacramentorum, videtur esse gravior peccata, quam Suspensione.

Verum si loquamur de Suspensione²⁸³ ne, ut communiter fertur, neque à Judge ob culpam levem insligitur, neque in Ju- re ob eandem solam imposita est. Ita Sot.

in 4. diff. 22. q. 3. art. 1. col. 2. Suar. D. 28. sect. 4. n. 6. Valq. 1. 2. D. 158. n. 49. Sanch. l. 9. de Matr. D. 32. n. 9. Coninck D. 15. dub. 3. concl. 2. n. 24. Laym. l. 1. tr. 5. p. 3. c. 3. n. 2. Hurtad. Diffic. 7. n. 19. Palao D. 4. cit. p. 3. n. 4. Vallenf. hic §. 9. n. 2. Pirh. n. 207. König n. 37. Wiestner n. 108. Ratio est, quia Suspensio ex se grave malum est, & cons. gravem culpam supponere debet.

284 Neque obest, Excommunicationem minorem majoribus bonis privare; quia hæc facile tolli potest, cùm quilibet, qui à mortalibus, etiam ab hac possit absolvere: quod in Suspensione non procedit. Præterea Suspensio sèpe inducit damnum irreparabile, & nonnullam infamiam secum afferit.

Dixi autem, ut communiter fertur; nam aliquam Suspensionem ad breve tempus probabile est à Judge infligi posse ob culpam levem, ut cum *Sanch.*, *Hurt.*, *Coninck*, *Laym.*, *Palao*, & aliis notant *Pirhing* n. 207. *Wiestn.* n. 108.

285 Dub. 7. an Suspenſio in aliquem ferri possit ob culpam alienam? Affirmant aliqui 1. quia cùm communitas aliqua suspenditur ab Officio, vel Beneficio, etiam suspenduntur, qui in ea communitate sunt inculpabiles, prout interdicuntur, interdicta communitate. 2. c. vel non est compos 14. de temp. Ordin. puer ordinatus Diaconatu anno ætatis sua decimo tertio, ab Officio Diaconi, non ob propriam culpam, sed in injuriam ordinantis usque ad legitimam ætatem suspenditur. 3. c. requivit 1. de Ordinat. ab Episc. qui renunt. caverunt, suspenſos esse debere ab Officio, quounque legitimus Pontifex, seu Episcopus dispenset, tametsi ignoranter prædictos Ordines fulceſſerent.

*286 Sed dicendum cum communi, Suspensionem, quæ propriè poena est, privans jure quæſito proprio, nullatenus contrahi ob culpam alienam, sed ob propriam tantum. Ita *Navar. Man.* c. 27. n. 151. *Henriq.* l. 13. c. 34. n. 1. *Suar. D.* 28. sect. 4. n. 3. *Sanch.* l. 9. de Matr. D. 32. n. 9. *Coninck* D. 15. dub. 3. *Hurt.* de *Suspensi.* diffic. 9. *Laym.* l. 1. tr. 5. p. 3. c. 3. n. 1. *Palao* D. 4. p. 3. n. 2. *Vallenf.* §. 9. n. 2. *Pirhing* n. 207. *Wiestner* n. 109. la Croix n. 396. Colligitur ex can. satis perversum 7. diff. 56. & c. cognoscentes 2. de *Const.* ibi, Rem, quæ culpâ caret, in daminum vocari non convenient. Item ex c. queſivit 2. de bis, quæ ſiunt à major. part. Capit. ibi, Cùm peccata fuos autiores tenere debeant, nec poena fit ullius protrahenda, quam delictum fuerit in excedente repertum. Ratio est, quia ini- quum est, innocentem poenas nocenti debitas sustinere.*

Neque obſtant opposita in contrari-²⁸⁷ um. Ad 1. quando ſuspenditur Communitas, innocentes etiam ſuspenduntur, non tamen quoad actiones, & munus, quod ſinguli exercere poſſunt, ut perſonæ ſingulares, ſed tantum quoad actiones totius Communitatis, quæ deliquit: unde tali caſu punitur communitas, non perſonæ ejusdem particulares, quæ tales ſunt. In Interdicto iterum non puniuntur propriè innocentes, ſed Ecclesia justis de causis ſubtrahit favores ſuos, & officia tam no- centibus, quæ innocentibus, Ad 2. duplex eſt *Suspensi*, ut bene Abb. in c. vel non eſt compoſit. n. 4. notat, una ob deſer- ētum, altera ob crimen: prima non eſt propriè Cenſura, neque ob illius violationem Irregularitas incurritur; ſed eſt quædam prohi- bitione, quæ ad Irregularitatē reduci- tur ob improprietatem, & inhabilitatem, quam quis habet ad Officium Ordinis ante legitimam ætatem exercendum. Ad 3. etiam ibi non incurritur cenſura propriè dicta, quod colligitur ex textu; nam ad hanc Suspensionem tollendam ſufficit, ſi Episcopus declaret, ordinatum à tali Episco- po, qui renuntiavit, ignoranter ſucepſe Ordines: ſi vera cenſura, opus eſſet abſolutione.

Dub. 8. quæ forma ſervanda ſit in ²⁸⁸ ferenda Suspensione? 1. non eſte certam verborum formam praefcriptam, ſed ea reuiruntur, quæ ſufficienter declarant hunc effectum. *Vall.* hic §. 9. n. 2. Utile feratur, præcedere 1. debet monitio; quia Ecclesiæ conſtarē nequit de contumacia, & inobedientia alicuius, ni prius illum mo- neat. Intellige, ſi inferatur ad correctio- nem delinquentis; nam ſi feratur in pu- ram poenam delicti committi, monitione non indiget, uti conſtat ex c. tam litteris 33. de testib. & Attest. & colligitur ex c. Romana 5. b. tit. in 6. ubi poft factam mentionem Excommunicationis, Suspensionis, & Inter- dicti, ſubditur de ſola Excommunicatione, eam nunquam ferri ſine monitione, ergo tacitè indicatur Suspensionem, & interdi- ctum aliquando ſine monitione ferri poſte.

2. Debet ferri in Scriptis, & ex ²⁸⁹ primi ibi cauſa, ob quam imponitur, in ſupérque Instrumentum debet dari *Suspensi*, ſi illud expoſtulet arg. c. cùm medicinalis 1. b. tit. in 6. Quodſi Judex hanc Conſtitutionem temere violet, per mensem ab ingressu Ecclesiæ, & Officiis Divini ſu- pendit; Superior verò, ad quem re- curritur, ſententiam ſine difficultate rela- xare debet, & latorem Suspensionis ad ex- pences, & omne intereffe condemnat, atque alia animadverſione condigna puni- re. *Vallenf.* §. 9. n. 3.

Quæritur 2. quos Effectus habeat ²⁹⁰ *Suspensi*? Alios effectus habet Su- spensi-

spensio ab Officio, alios Suspensio à Beneficio, & alios Suspensio ab utroque. Hinc

Dub. 1. quos effectus habeat Suspensio ab Officio? & distingueando; potest enim Suspensio ab Officio absolutè ferri, & potest fieri non absolutè, sed determinatè ad aliquam materiam. si hoc secundo modo feratur, extra illam materiam non extenditur; quia poenæ non sunt extendendæ ultra verborum proprietatem. Et hinc 1. Suspensus ab Ordine sine alia limitatione non est suspensus à Jurisdictione, ac proinde exercere potest omnes actus Jurisdictionis, qui actualem usum Ordinis non requirunt: cons. Episcopus, suspensus ab Ordine tantum, potest delegare alteri potestatem absolvendi, quamvis ipse audire Confessiones, & à peccatis absolvere nequeat. Suar. D. 26. sct. 4. n. 2. § 3. Laym. 1. tr. 5. p. 3. c. 1. n. 5. coroll. 3. Avil. de Censur. p. 3. D. 2. dub. 1. concl. 3. Pirk. hic n. 202. coroll. 3. la Croix tom. 8. l. 7. n. 400.

291 2. Episcopus suspensus ab Ordine Episcopali tantum, vel à Pontificalibus, licet non possit exercere actus Ordinis Episcopalis, potest tamen exercere actus, qui jure ordinario Sacerdotibus competere, vel sine Pontificalibus exerceri possunt, ut celebrare Missam sine Pontificalibus, audire Confessiones &c. Pirkhing l. cit. coroll. 4.

292 3. Suspensus ab Ordine superiore non ideo suspensus est ab Ordine inferiore: & hinc suspensus ab Officio Sacerdotali, non prohibetur solemnitate cantare Epistolam, vel Evangelium, ut Subdiaconus, vel Diaconus; nam qui prohibet majus, non censetur prohibere minus. Suar. sct. 4. cit. n. 9. Pirkhing coroll. 5. la Croix n. 398.

293 4. Suspensus ab Ordine inferiore, non obinde prohibetur ab exercitio Ordinis superioris, nisi actus istius actum Ordinis inferioris, à quo suspensus est, includat, prout actus celebrandi Missam in se includit actum canendi Epistolam, vel Evangelium: cons. suspensus ab Ordine Diaconatus, vel Subdiaconatus non potest celebrare Missam, ne, quod ei unâ viâ prohibetur, ad illud aliâ admittatur contra Reg. 84 in 6. Contrà Sacerdos suspensus ab Ordine Diaconatus poterit solemnitate baptizare, Confessiones audire, benedicere &c. quia hi actus actum Ordinis inferioris, à quo suspensus est, non includunt, & poenæ restringenda potius, quam ampliandæ sunt arg. Reg. odia 15. in 6. Suar. sct. 4. cit. Laym. c. 1. n. 6. Palao p. 5. §. 1. n. 15. Pirk. n. 203. Wiest. n. 111.

294 Quodsi autem primo modò, seu absolute Suspensio feratur ab Officio, & nulla interponatur restrictio, suspendit ab omni

Officio tam Ordinis, quâm Jurisdictionis. Suar. D. 26. sct. 1. n. 4. Coninck D. 15. dub. 2. n. 5. Laym. c. 1. cit. n. 3. Palao §. 1. cit. n. 1. la Croix n. 395. Ratio est, quia hæc omnia nomine Officii veniunt. Et hinc

1. Ita suspensus non potest administrare Sacraenta, nec celebrare Missam, neque Indulgencias concedere, neque elegere; quia hæc omnia pertinent ad Officium Clericale. Contrà talis poterit recipere Sacraenta, ingredi Ecclesiam, assistere Divinis Officiis, canere in Choro more Laicorum, ac denique uti qualibet Jurisdictione temporali, si illam habeat. Palao n. 1. cit.

2. Ita suspensus non potest eligi ad 295 Beneficium Ecclesiasticum, Henrig. l. 13. c. 32. n. 3. Laym. c. 1. cit. n. 3. Palao n. 2. la Croix n. 399. & communiter cæteri contra Hurt, de Suspens. diffic. 4. n. 8. Ratio est, quia Beneficium datur propter Officium c. fin. de Rescript. in 6, ergo qui impeditus est Officium exercere, eidem merito denegatur etiam Beneficium arg. c. fin. de Cler. excomm. ministr. Estque ejusmodi Elec[t]io probabilius irrita ipso Jure. Navar. Man. c. 27. n. 133. Flamin. de Reg[ular]i. l. 5. q. 6. n. 84. Azor p. 2. l. 6. c. 7. q. 2. Garc. p. 7. de Benefic. c. 14. à n. 1. allegans varias Decisiones Rotæ, Palao n. 3. Wiestner n. 107. & colligitur ex c. cum bone 8. de etat. § qual. ubi Pontifex de his, qui durante Suspensione Beneficia confecti sunt, ait, non licere ea retinere, præcipitque illos prædictis Beneficiis spoliare, ergo signum est collationem fuisse irritam; alias licet illa Beneficia retinerent: & hoc indicat etiam verbum Spoliare, quod solum convenit ei, qui rem usurpatam habet.

3. Juxta aliquos suspensus ab Officio eo ipso suspensus est à Beneficio, quod Beneficium sit accessorium Officio; accessorum autem sequatur naturam principalis. Sed verius hoc cum communis negant Ugolin tab. 4. de Censur. c. 6. §. 6. Henrig. l. 13. c. 32. n. 3. Suar. D. 26. sct. 3. n. 4. Sanchez l. 3. de Matt. D. 51. n. 12. Avil. p. 3. D. 2. dub. 1. concl. 6. Coninck D. 15. dub. 2. concl. 3. Laym. c. 1. cit. n. 2. Palao n. 5. Engl b/c n. 75. Pirkhing n. 200. Wiestner n. 105. Reiffenstuel n. 168. la Croix n. 395. § 396. Magnif. P. Schmier p. 1. de Delict. c. 3. n. 239. Ratio est manifesta; quia aliquando fertur Suspensio ab Officio, aliquando à Beneficio, aliquando ab utroque: quæ distinctione superflue fieret, si suspensus ab Officio hoc ipso suspensus esset à Beneficio, ex quo sequitur, si suspensus ab Officio satisfaciat obligationibus Beneficii, quantum est in se, per se, vel per substitutum, eum fructus Beneficii posse percipere. Pa-

lao Westiner l. citt. Imò ut idem Palao n. 7. aliis citt. docet, retineri fructus à suspensi possunt, quos percepit ex Officio, quo per Suspensionem privatus est, inquit exercito: & rationem dat, quia nullibi habetur, quod suspensus exercens Officium, a quo suspensus est, fructibus tali Officio respondentibus ipso Jure privetur. Neque aiud probat Argumentum opinionis contraria: esto enim, quod Beneficium detur propter Officium, & conferri nequeat, nisi idoneo, semel tamen obtento canonice illius titulo, fructus ejus non amittuntur hoc ipso, quod Beneficiarius officium ipsi annexum ad tempus præstare nequeat, prout patet in Clerico ægrotante, imò etiam ad istud obeundum perpetuò inhabili reddito, cui fructus Beneficii relinquuntur, pensione duntaxat ex his pro Coadjutore decerpta, per textum, & DD. c. cum percussio i. & c. de Rectoribus 3. de Cler. ægrot.

4. Juxta Gloss. in c. 8. V. à suspensi de consuet. Abb. ibid. n. 20. & alios Suspensus ab Officio etiam vocem non habet in Capitulo; quia vocem habere in Capitulo est usus, & exercitium Officii Ecclesiastici. Accedit, quia vox in Capitulo solis Clericis, Subdiaconatu insignitis, competit Clem. ut ij 2. de etat. & qual. Probabilius tamen est non privari; neque enim vocem habere in Capitulo per se est exercitium Ordinis, vel Jurisdictionis Ecclesiasticae, cum etiam foeminae, & Laci conversi vocem quandoque habeant. Palao n. 9.

299 Dub. 2. quos effectus habeat Suspensio à Beneficio? 2. Suspensio à Beneficio non privat Beneficio, sed tantum illius fructibus. Abb. in c. cim dilectus n. 20. de consuet. Ugolin. tab. 4. de Censur. c. 8. §. 1. Henrig. l. 13. c. 32. n. 4. Sayr. l. 4. Thesaur. c. 6. n. 2. Palao D. 4. p. 5. §. 2. n. 1. Piring hic n. 197. Hinc onera Beneficii apud suspensum manent, non obstante Suspensione; quia illa non ex fructibus perceptis, sed ex Beneficio consequuntur. Suar. D. 27. sed. 1. n. 3. & seqq. Coninck D. 15. dub. 2. n. 12. Laym. l. 1. tr. 5. p. 3. c. 1. n. 4. Palao n. 1. cit. la Croix tom. 8. l. 7. n. 395. cum citt.

300 Si suspensio à Beneficio sit absolute lata, suspendit Beneficiarium ab omnibus Beneficiis, quæ actu possidet, nisi ex intentione ferentis, vel alia circumstantia contrarium colligatur; quia non est ratio, cur ad unum potius, quam ad aliud dispositio se extendat. Ugolin. c. 8. cit. §. 5. Sayr. c. 6. n. 24. Palao n. 2. la Croix n. 395. cit. Ex circumstantia autem, & intentione ferentis censeatur restrictionem accipere Suspensionis Sententia, quando delictum, ob quod fertur, commissum est

adversus particularem aliquam Ecclesiam; tunc enim credendum est comprehendere tantum Beneficia illius Ecclesiae ex textu c. cupientes 16. ¶ ceterum, c. si compromissarius 37. de Elec. in 6. c. fin. ¶ 85 nihilominus de reb. Eccl. non alien. in 6. Et licet restricatio in his cap. facta videatur esse specialis, & propterea ad alios casus non extendenda, probabilius tamen est Regulam ibi generalem constitui, ut in similibus causis Suspensio restricta esse intellegatur. Palao l. cit.

Difficultas est, quid veniat nomine fructuum, quibus privat Suspensio? Et fieri dubium potest 1. de Distributionibus quotidianis, quæ conceduntur iis, qui intersunt Divinis Officiis. 2. an suspensus à Beneficio priveret illius administratio? 3. an privetur potestate conferendi, vel eligendi ad Beneficium titulo Beneficii, à quo suspensus est, competente? 4. an privetur etiam fructibus, qui ad sui, & suorum congruam sustentationem sunt necessarii?

¶ ad 1. cum distinctione: nam si 302 Distributiones extractæ sunt ex fructibus Beneficii, iis privatur Suspensio; quia tum non tam sunt distributiones, quam Beneficii fructus, cum etiam ab infirmis, & legitimè absentibus obtineantur, à quibus alias distributiones quotidiane non obtinentur, juxta dicta Libr. 3. Tit. 4. n. 79. Si verò non ex fructibus Beneficii extractæ fuerint, sed ex particulari fidelium fundatione, sub Suspensione à Beneficio non comprehenduntur; quia esto, solis Beneficiarii applicentur, non tamen intuitu Beneficii, sed in stipendium Officii conceduntur, & Beneficium solum conditio est, ut concedantur, non causa concessionis. Covar. l. 3. var. c. 13. n. 8. Hurt. de Suspens. diffic. 4. n. 10. Palao l. cit. n. 4.

Ad 2. teste Palao n. 4. cit. ¶ inter 303 fructus, omnium sententia est, suspensum à Beneficio privari administratione illius. Colligitur ex c. statuimus 1. §. fin. & c. cupientes 16. ¶ ceterum de Elec. in 6. Atque hinc suspensus nequit locare Beneficium, seu illius bona, fructus vendere per se, vel per alium, in Judicio agere, vel aliam actionem præstare, quæ ad temporalem administrationem pertinet: Item nec commutare, aut in favore tertii resignare Beneficium; hæc enim omnia sunt quidam Beneficii usus, & administratione. Sayr. l. 4. Thesaur. c. 6. n. 4. & seqq. Suar. D. 27. sed. 1. n. 31. Laym. l. 1. tr. 5. p. 3. c. 1. n. 3. Palao l. cit. Piring n. 201.

Ad 3. aliqui cum Navar. Man. c. 304 27. n. 160. Henrig. l. 13. c. 32. n. 4. Sayr. c. 6. cit. n. 7. putant collationem, & electionem ad Beneficium, titulo Beneficii competentem, venire sub nomine fructus, & co. n. f.

conf. Suspenso tolli hanc potestatem eligendi, vel conferendi. Sed verius contrarium docent Suar. sed. 1. cit. n. 34. Fil. liuc. tr. 17. c. 3. q. 5. n. 46. Coninck D. 15. dub. 2. n. 11. Laym. c. 1. n. 4. Palao n. 5. la Croix n. 395. § 401. & colligitur aperte ex c. cum in cunctis 7. §. fin. de Elez. ubi ultra suspensionem à Beneficiis indicitor privatio potestatis eligendi, igitur signum est, hanc privationem nomine suspensionis à Beneficio non comprehendit. Ratio est, quia potestas eligendi, & conferendi Beneficia, licet à Beneficio proveniat, non tamen est usus Beneficii, sed Officii ex Beneficio competentis.

³⁰⁵ Ad 4. respondendum est cum distinctione: privabitur iis fructibus suspensus, si Suspensione lata sit in contumaciam, & ipse Suspensus delicti prætentis possit ab ea liberari; tunc enim voluntarie privationem eam sustinet. Non privabitur, si Suspensione non in contumaciam, sed in poenam delicti commissi imposita sit, nec in voluntate Suspensi sit positum ab ea liberari; tunc enim Ecclesia, ut Status Clericalis honor, & decori consulat, hanc in Suspensione benignitatem exercet, ut penes Judicem sit, qui Suspensionem fuit, eam partem ex fructibus designare, quæ necessaria sit Suspenso ad sustentationem. Sayr. 1. cit. n. 12. Suar. sed. 2. n. 2. Coninck dub. 2. const. 6. Laym. n. 4. Palao n. 6.

³⁰⁶ Dub. 3. quod peccatum commititat violans Suspensionem, & quam poenam incurrat? Quoad primum certum est committere peccatum ex genere suo mortale; quia contemnit Ecclesia præceptum, & gravem illius Censuram. Navar. Man. c. 27. n. 168. Henr. l. 13. c. 33. n. 1. Suar. D. 26. sed. 2. n. 1. Avil. p. 3. D. 3. dub. 12. Coninck D. 15. dub. 2. n. 17. Bonac. D. 3. de Suspens. p. 4. n. 1. Palao D. 4. p. 6. n. 1. Pirhing bic n. 209. Wiestner n. 112. la Croix n. 395.

³⁰⁷ Dux ex genere suo; nam 1. aliquando ex parvitate materiae transgressio Suspensionis potest esse peccatum veniale, ut si suspensus à Jurisdictione recipiat unum testem, aut si suspensus ab Ordine exerceat officium Ordinum minorum; cum enim frequenter istud præstetur etiam à Laicis, non videretur grave delictum esse, si fiat à Suspenso. Navar. Suar. Bonac. Pal. 1. cit. 2. ex ministris à peccato Suspensus ab Officio non denuntiatus, si ad petitionem aliorum fidelium exerceat Officium, à quo suspensus est; nam eo casu, si à Suspensi ne prius absolvitur, licet potest ea officia ministrare petentibus ob Extrav ad evanida Martini V. in Conc. Confant. Alter te habet cum Suspensi denuntiato; nam iste extra urgentissimam causam, et si fidelibus postuletur, ea Officia, à qui-

bus suspensus est, exercere nequit, cum petitio talis iniqua sit utpote inductiva ad peccatum. Suar. sed. 2. cit. n. 7. & D. 22. sed. 5. n. 6. Avil. D. 2. dub. 3. const. 1. Palao n. 3. Pirh. n. 211. Wiestn. n. 114.

Quod secundum dicendum, ob somiam violationem suspensionis ab Ordine, ejus Officium solenniter exercendo incurrit Irregularitatem; quia non habetur in Jure, quod incurritur ob violationem Suspensionis à Beneficio, Jurisdictione &c. & Irregularitas non incurritur, nisi in casibus Jure expressis. Atque hinc Irregularis non sit 1. Suspensus à Jurisdictione, si hanc exerceat, si Beneficium conferat, ad illud eligat, sententiam in causa proferat: si Parochus Matrimonio assistat &c. quia hæc omnia sunt actus Jurisdictionis, vel quasi Jurisdictionis, non Ordinis Exercitium. 2. Irregularis non est, qui violat Suspensionem à Beneficio, quamvis istius violator alter puniatur, scilicet privatione Beneficii, ut deciditur c. statutum 1. §. fin. de Ecl. in 6. Quare cum Beneficiarius ita suspensus per seipsum administrare Beneficium nequeat, solet eidem dare Oeconomus, qui redditus colligat, & eosdem iussu Episcopi piis causis applicet, reservatis suspenso alimentis necessariis, ut dictum est n. 305. Plura de Suspensi ministrante in Ordine, à quo suspensus est, vide supra Tit. 27. à n. 2.

Præter Irregularitatem violentibus ³⁰⁹ Suspensionem statutum est, ut actus à Suspensi præstitus sit nullus, & irritus. Poena autem hæc locum duntaxat habet in iis, quæ ab Ecclesia pendent, uti est Jurisdictionis, & Beneficium: in his ergo suspensus, si Beneficium administret, & Jurisdictionem exerceat, invalidum actum facit, modo denuntiatus sit tanquam suspensus; quia facta denuntiatione, privat potestate omnimoda actus illos exercendi. Ante denuntiationem solum impeditur ab illorum exercitio, dum à fidelibus non requiritur: quando autem à fidelibus requiritur, valide, & licet illos actus exerceat, ideoque necessarium est, ut Jurisdictionem retineat, Henr. l. 13. c. 33. n. 2. & seqq. Suar. D. 27. sed. 2. n. 2. Bonac. D. 3. p. 4. n. 7. Palao p. 6. cit. n. 7. Pirhing bic n. 210. Wiest. ibid. n. 113.

Quaritur 3. quomodo tolli Suf ³¹⁰ pensio possit? Distinguendum hic est inter Suspensionem latam pro tempore determinato, vel sub aliqua conditione, & inter eam, quæ lata est absolute: iterum quoad latas absolute discrimen faciendum inter latas à Jure, & inter latas ab homine. Quare sit

Dubium 1. quomodo tollatur Su ³¹¹ spensio lata pro determinato tempore, vel sub aliqua conditione? 2. si lapsum sit tem-

tempus, aut impleta conditio, cessat absque ulla absolutione; quia ultra intentio nem ferentis progrexi nequit. Gloss. in Clem. 1. V. donec de Decim. Abb. in c. 1. de Judic. n. 6. Navar. Man. c. 27. n. 161.

Henriq. l. 13. c. 35. n. 2. Suar. D. 29. scđ. 1. n. 1. Avil. p. 3. D. 6. dub. 1. Tann. tom. 4. D. 6. q. 10. dub. 7. n. 142. Laym. l. 1. n. 5. p. 3. c. 4. n. 1. Palao tr. 29. D. 4. p. 9. n. 1. Vallens. bīc. 10. n. 5. Piring. n. 142. Reiffenstuel. n. 253. la Croix tom. 8. l. 7. n. 395. & 402.

³¹⁰ Intermedio autem tempore, seu ante impletam conditionem tolli. Suspensio talis per Dispensationem potest ab eo, qui eam tulit, vel ab hujus Superiori, aut Successore, non autem ab inferiore. Adeoque si lata sit à Jure communii ad certum tempus, tollere illam, aut relaxare folius Pontifex potest ante tempus finitum. Sylv. V. Suspensio q. 8. v. tertium, Sanch. l. 3. de Matr. D. 52. Sayr. l. 4. c. 17. n. 10. Suar. l. cit. n. 20. Laym. n. 5. Palao n. 2. Wiestner n. 117. Ratio est, quia alias intentione Pontificis frustraretur.

Dub. 2. à quo relaxari possit Suspensione à Jure absolutè lata? ³¹¹ Ex distinguendo inter eam, quæ à Jure lata est in puram poenam delicti, & inter illam, quæ lata est ad comprimendam alicujus contumaciam, seu in illius correctionem. Posterior relaxari, seu absolviri potest ab Episcopo, vel ejus vicem gerente, modò Pontifex absolutionem sibi non reservaverit, & suspensus recesserit à contumacia. Gloss. in Clem. 1. §. verum V. Excommunicationis de Heret. Sylv. V. Suspensio q. 8. v. tertium. Navar. Man. c. 27. n. 162. Suar. D. 29. scđ. 2. n. 15. Avil. p. 3. D. 6. dub. 1. concl. 3. Laym. c. 4. cit. n. 3. Palao n. 4. Vallens. §. 10. n. 5. Piring. n. 208. Wiestner. n. 115. la Croix n. 403. fin. Constat ex c. nuper 29. b. tit. ibi. Quia tamen conditor Canonis ejus absolutionem sibi specialiter non retinuit, eo ipso concessisse videtur facultatem alius relaxandi. Et apertius ex c. ex litteris 11. de Conf. ubi deciditur, poenam, alicui inflatam ob contumaciam, si noa exprimatur, quod sit perpetua, esse temporalem, & cessante contumacia, debere tolli.

³¹² De priore seu illa, quæ lata est in puram delicti poenam, absque temporis determinatione, Abb. in c. tam litteris n. 3. de test. & attest. Angel. V. Suspensio 4. n. 1. Sylv. V. cod. q. 8. v. tertium. Navar. c. 27. n. 162. Philarc. de Offic. Sacerd. c. 1. Hurtad. de Suspens. Diffic. 12. n. 32. Bonac. D. 9. p. ult. fin. & alii gravissimi DD. putant, ab Episcopo eam tolli non posse, ed quod hæc Suspensio, absque ulla temporis determinatione apposita, censenda sit esse perpetua arg. l. Servus 10. c. de Poenis,

ubi dicitur, poenam carceris simpliciter latam debere durare in perpetuum, at in poenis à Jure perpetuis solus Conditor Juris dispensare potest, ed quod nemini alteri hoc videatur esse concessum.

Benignior tamen, & fortè proba-³¹² bilior est contraria, quam etiam docuit Gloss. in Clem. 1. §. verum V. Excommunicationis de Heret. & in c. cupientes v. ceterum V. suspensos de Elecl. in 6. Covar. l. 4. Decre. p. 2. c. 6. pr. n. 15. Sayr. l. 4. Thesaur. c. 17. n. 15. Suar. D. 29. scđ. 1. n. 19. Avil. p. 3. D. 6. dub. 1. concl. 4. Laym. c. 4. cit. n. 4. v. verum Palao n. 6. Ratio est, quia hæc Suspensio absolute lata differt ab ea, quæ expresse fertur in perpetuum; alias frustra in perpetuum adderetur, sed nulla alia differentia inter eas intervenire potest, nisi quod Suspensio, quæ in perpetuum fertur, ex intentione ferentis debet durare in perpetuum, non verò illa, quæ absque illa expressione perpetuitatis fertur; quia hæc ex intentione ferentis remissibilis est, & auferenda, praetitia sufficienti poenitentia, & satisfactione. Conf. sape Jura hanc Suspensionem, absolute latam in poenam delicti committi, reservant, aliquando verò nullam reservationem apponunt, ergo tacite indicant, nullam reservationem apponendo, inferioribus facultatem absolvendi, vel dispensandi concedi; alias frustanea esset reservatio.

Poterit igitur Episcopus ab hanc Suspensione absolvire. Imò de Jure novo Trid. fiss. 24. c. 3. de reform. possunt Episcopi per se, vel per suos Vicarios à qualibet Suspensione à Jure, vel ab homine generaliter lata absolvire, vel dispensare, modò ex delicto occulto proveniat, neque ad forum contentiosum deducta sit. Henriq. l. 13. c. 35. n. 3. Sayr. l. 4. Thesaur. c. 17. n. 19. Avil. p. 3. D. 6. dub. 1. concl. 7. Laym. c. 4. cit. n. 4. Pal. n. 7. Piring. n. 208. v. porro. Wiestner n. 118. Similem facultatem habent ex privilegio Confessarii Societatis JESU, & aliarum quarundam Religionum, vi cuius pro o foro conscientia absolvire possunt à quibuscumque Censuris, sententiis, & poenis ex delicto provenientibus. Compend. Privil. ejusdem. Societ. V. Absolutio §. 1. Palao n. 7. cit. Wiestn. n. 116. Alii verò Sacerdotes, qui in foro externo Jurisdictionem non habent, neque privilegio ad hoc instruti sunt, non possunt absolvire à Suspensione, etiam per modum Censurae lata; quia hujus absolutio non est necessariò præmittenda peccatorum absolutioni, sicut præmittenda est absolutio ab Excommunicatione. Henriq. l. cit. n. 1. Avil. dub. 1. concl. 4. Laym. n. 2. Palao n. 8. Piring. n. 208. cit. v. secundum specialiter.

Dub. 3.

317 Dub. 3. quis absolvere possit à Suspensione lata ab homine? *i.e.* regulariter solus ille, qui eam tulit, vel ejus Successor, aut Delegatus, ne ejus authoritas contemnatur. Quod adeò verum est, ut quamvis Superior ipsius possit validè sententiam ab inferiore latam relaxare, illicite tamen procedat eam relaxationem concedens, ut apertè probat Gloss. in c. 3. *V. non relaxes de Offic. Ord.* Palao p. 9. n. 9. Wiesfner n. 116. hic. Reiffenstuel ibid. n. 250.

318 Excipiuntur duo casus. Et 1. quidem, si inferior sententiam tulit absque solemnitate requisita c. *cum medicinalis* 1. b. tit. in 6. quia eo casu potest Superior prædictam sententiam relaxare, si ad ipsum recursus fiat. 2. si Appellatio facta sit ab inferioris sententiā; ob hanc enim defertur Superiori Jurisdictione in illa causa c. *ad reprimendam* 8. de Offic. Ordin. c. *per tuas* 40. b. tit. c. *venerabilibus* 7. §. porro, & §. fin. eod. in 6. Sayr. l. 4. Thesaur. c. 17. n. 26. Palao n. 9. cit. cum aliis.

319 Dixi regulariter: sunt enim aliqui casus extraordinarii, quibus hæc potestas ferenti Censuram denegatur, prout referunt Angel. V. *Suspensiō* 4. n. 3. Sylv. ibid. q. 8. fin. Vivald. *de Suspensiō* n. 181. Henr. l. 13. c. 35. n. 2. Sayr. l. 4. Thesaur. c. 17. n. 27. Hurtad. *de Suspensiō* diffic. 12. n. 30. Et 1. quidem, si Clerici Seculares, aut Regulares à suis Ordinariis officio privati sint, ed quod Hæreticis denuntiatis Sacramenta ministraverint, aut ab eis Oblationes, vel Eleemosynas receperint, aut Ecclesiasticam Sepulturam tradiderint; nam his privati non ab Episcopo private, sed à Pontifice restituvi possant c. *excommunicationis* 13. §. *credentes de Hæret.* Sed ut bene advertunt Navar. c. 27. n. 162. Sayr. n. 27. cit. Palao l. cit. *¶* dixi, hic textus non

loquitur de privatis officio per Suspensionem, sed per Depositionem: ideoque mirum non est, quod nemini alteri, quam Pontifici, sit potestas restituendi. 2. si quis à proprio Episcopo sit degradatus c. *ex tue* 11. de Cler. resid. Sed neque hic textus, ut iidem DD. notant, ad Suspensionem pertinet. 3. si quis, quod indignis vitâ, moribus, & doctrinâ beneficia conferat, post unam, & alteram monitionem, à Concilio Provinciali factam, & emendationem non fecutam, ab eodem Concilio à Beneficiorum collatione suspensus fit; nam iste nequit restitui, nisi à Pontifice, vel Patriarcha suo c. *grave nimis* 29. de Præb.

Dub. 4. quæ sit forma absolvendi à Suspensione? *i.e.* ex necessitate, seu præcepto nulla est determinata, sed illa sufficiens erit, quæ sufficienter absolvantis intentionem exprimit. Communiter usitata est: *Ego te absolvo à vinculo Suspensionis, quam incurris ob talē causam;* & restituo te executioni Ordinis, Officio, vel Beneficii in nomine Patris, & Filiī, & Spiritus Sancti. Navar. c. 27. n. 161. Sayr. l. 4. c. 17. n. 34. Palao l. cit. n. 10. Valens. hic §. 10. n. 5.

Si pluribus Suspensionibus ligatus, est aliquis, ab iis absolvī potest ex eo tantum, quod absolvens dicat: *Absolvo te ab omni vinculo Suspensionis*, & intentionem habeat ab omnibus absolvendi. Suar. D. 29. sect. 3. n. 2. Si dubia sit Suspensionis, præstanta absolutio non absolute est, sed hac conditione præmissa, *Si teneris vinculo Suspensionis, absolvo te &c.* Et hæc absolutio, *ad cautelam*, nuncupata, necessaria omnino est, ut officium exercere, & Beneficiū administrare absolvendus possit, cum quaestio suboritur de valore Suspensionis.

S. V.

De Interdicto.

S U M M A R I U M.

- 322. *Interdicti Definitio?*
- 323. &c. *Varietas,*
- 326. &c. *Quanam loca comprehendantur in Interdicto locali generali?*
- 334. &c. *Quæ comprehendantur persone, quando Interdicto subiectur Universitas?*
- 340. &c. *Quis possit interdicere?*
- 343. &c. *Quod sit Interdicti Subjectum?*
- 345. &c. *Et finis?*
- 347. &c. *An Interdictum ferri possit pro delicto commissio in retinendo ere alieno?*
- 349. *Quæ sit forma servanda in hoc indicendo?*
- R. P. Schmalzgrueber L. V. T. II.
- 350. *Eius Effectus.*
- 351. &c. *Quorum Sacramentorum administratione, & receptione privet?*
- 361. &c. *Quomodo, & quibus Divinis Officiis privet?*
- 369. &c. *Quomodo privet sepulturā Ecclesiasticā?*
- 379. &c. *Et ingressu Ecclesiæ?*
- 389. *Quid requiratur, ut obliget Interdictum?*
- 390. &c. *Quale peccatum committatur violatione Interdicti?*
- 394. &c. *Quæ violentum pena?*
- 398. &c. *Quomodo Interdictum cesseret?*

Hh

Quæ-